

# تورک

## یوز آلتش ایکسجی

# ضبط جرنیک

یوز آلتش ایکسجی اجتماع

۲۵ کانون اول ۱۳۳۸ ہجرت

مندرجات

- ضبط سابق خلاصہ سی
- روزنامہ حقندہ مذاکرہ
- اوراق واردہ

برنجی جلسہ

برآ مذاکرات

دقیقہ ساعت

۱

[ رئیس — ایکسجی رئیس و کبلی موسی کاظم افندی حضرتلری ]  
 کانبلر: سلیمان سیری بک ( بوزغاد ) ، اراہیم بک ( مارین )

کالی بک افندی بک ایک سہنہ اول بر تقریری واردی کہ  
 حریت شخصیه تعلق ایدن بر کیفیتدر . برسئله سرعتله  
 مذاکرہ ایدلمدیکی ایچون خلقسک و برچوق کیمسہ لک  
 حقوق و حریت شخصیه لری چیکسنمکده در . چوق استرحام  
 ایدرم کہ ، بک افندیلر ! یزم قانونلر مزده اصلاحی ، تعدیلی  
 ایجاب ایدن برچوق مادهلر وارددر . ارجلہ برشی حکایہ ایدہیم .  
 عبدالقادر کالی بک تکلیفینک سرعت مذاکرہ سی  
 حقندہ یکرمی امضالی بر تقریر و ریپورم . بوندن اوچ  
 سنہ اول ، اوچ سنہ حبسہ محکوم ایدلش بر شخص : ثلثان  
 مدت جزائیہ سی ا کمال ایتدیکی ایچون بقیہ مدت جزائیہ سی  
 مجلس عالی بک قراریلہ عفو ایدیلور . حریف ، یکرمی  
 سکز آی یاتیور ، ۲۸ آی یاندقدن سوکرہ چیقیور ،

۱ — ضبط سابق خلاصہ سی :  
 رئیس — افندم ! اکثریت حاصل اولدی . جلسہ یی  
 آچبورم . ضبط سابق خلاصہ سی اوقونہ حقندر . ( ضبط  
 سابق خلاصہ سی کاتب سلیمان سیری بک طرفندن اوقونتمشدر )  
 افندم ! ضبط سابق حقندہ سوز ایستہ من واری ؟  
 ( خایر صدالری ) ضبط سابق عیاً قبول ایدلمشدر .  
 روزنامہ حقندہ مذاکرہ :  
 صالح افندی ( ارضروم ) — مساعده بوپوریر سه کز  
 برشی عرض ایدہیم .  
 رئیس — بوپورک !  
 صالح افندی ( ارضروم ) — افندم ! قانون جزامزک  
 یولستر برقاچ ماده سنک اصلاح و تعدیلی حقندہ عبدالقادر



چیقنجه ، ( ۳۰۰ ) تولدلیسک ، عسکرسک دیورلر .  
 باش اوزرینه دیوب طقوز آی - عسکرلک ایدیور .  
 اوج آی اول ترخیص ایدیور ، ملکته کلور .  
 وقیله محکوم ایدلش ، وریلان حکم محکمه تمیزه کیدیور .  
 محکمه تمیز بونلر حقنده غدر یاپیلدینی ایچون حکمی  
 نقض ایدیور . عدلیه بو آدمی بتکرار کتیریور ، حبس  
 ایدیور و دیور اتهامات عودت ایتشد . حریف  
 دیورکه « بن یکریمی سکر آی یاندم ، عفو ایدلدم چیقدم  
 عسکر اولدم ، عسکرلکدن ترخیص اولندم ، ملکتمه  
 کادم ، اتهامات عودت ایتشد . شمدی ینه  
 ایچری کیره جسک دیورلر . اودیورکه ، سرعتله محکمه می  
 اجرا ایدیکنز . بوکا جواباً دیورلرکه سنک برقاچ آرقدا -  
 شک واددر . اولرک حیات ومانلری مجهولدر . لرلیخی  
 بولامبورز . بولدیغیزه وقت سزى محاکمه ایده جکیز :

چکلرده آرقداشلر منزله جده خانهدی تفتیش ایچون  
 کیتدیکنزده او جسخانه نك ایچروسنده پيسلکلر ، اغملر  
 آرسنده یانان بو آدم برقاچ آرقداشلرزه ایکیکیم ایکیکله رک  
 بونی آکلاندى . جسخانه مدیرینه چیقدم . مسئله یی  
 صوردم ، دیدی که :

« افندم عفو ایدلش ، عسکر اولش ، ترخیص ایدلش .  
 شمدی حکم نقض ایدلیکی ایچون اتهامات عودت ایتشد .  
 اوج آی در یاتیور . احتمالکه اوج آی دهسا بنا جقدر .  
 رفیق شوکت بك ( صاوخان ) - بوزنامه یه  
 متعلق دهل .

صالح افندی ( رضر م ) - رجا ایدرم قدم ! روزنامه  
 دائردر . رجا ایدیورم اوماده حقنده بر تکلیفم واددر .  
 عبدالقادر کالی بک تکلیفی حقنده یکریمی ، یکریمی بر  
 امضالی تکلیفم وار . بونک مستعجلاً مذاکره سی رجا  
 ایدرم واساساً تفرعات اوزرنده دهل ، بویله اساسات  
 اوزرنده مجلس عالینک قانونر مزی بر آن اول اصلاح  
 ایتمی تکلیف ایدیورم .

رئیس - افندم عبدالقادر کالی بک تکلیف قانیسی  
 اوراق وارده میانشده در . ذاتاً اونک تعجیل مذاکره سی

حقنده ایچی تقریر واددر . بونی اساساً مذاکره  
 ایده جکیز .

صالح افندی ( ارضروم ) - بوکون و مستعجلاً اولسون .  
 اوراق وارده :

رئیس - لوزانده بولونان هیئت مرخصه ایچون  
 خارجیه بودجه سنه بوزبیک لیرا تخصیصات اعطاسنه دائر هیئت  
 وکیله دن مورود تذکره وار ، موازنه مالیه انجمنه ،  
 دشمندن قورتلان محللرده کی دیوانه دائر هیئت وکیله دن  
 مورود لایحه قانونیه قوانین مالیه انجمنه ، بانق عثمانی  
 مستخدمیندن یوزده بر حسابیله مؤجلیت عسکریه  
 ویرکوسی اخذینه دائر هیئت وکیله دن مورود تفسیر  
 تذکره سی قوانین مالیه انجمنه ، خیانت وطنیه ایله محکوم  
 آچقه اووه مدیری سلیمان ایله رفقاسی حقنده عدلیه  
 وکالتندن مورود اوراق حکمیله عدلیه انجمنه ، یوزانه  
 مبعوثی سلیمان سری بکک تقماً نظامنامه سنک معافیات  
 قسمنه دائر تکلیف قانونیسی لایحه انجمنه ، غاری عینتاب  
 مبعوثی یاسین بکک مکاتب قالییه طلبیه قبولی حقنده کی  
 تکلیف قانونیسی لایحه انجمنه ، حواله ایدلشددر .

اردویه اللی درت حیوان اهدا ایدلدیکنه دائر سروج دن  
 تلغراف وار اوقونه جق :

آقره ده بو بوک ملت مجلسی ریاست جلیله منه  
 میثاق ملیمیزک استحصالی تأمین ، دین و ناموس مزی ،  
 شرف و حیثیت ملیمیزی ترصین ایتک ، مبارک شه دامزک  
 قالیله یوغوریلان آنا و طنمزی خونخوار دشمنک ملوث  
 ویس لرندن قورتارمق ایچون عزم خد پسنده ایله  
 چارپیشمق صورتیله نامسبوق بر ظفره نائل اولان محشتم  
 اردومزک مکمل تجهیزات حربیه سنه ضمیمه اولمق نیتیله  
 وقضا قائم مقامی شوکت بک افندی معرفتیه بالبابعه اورفده  
 سواری لوانسه واخذ عسکر شعبه سنه تسلیم اولتان اللی  
 درت حیوانک اومبجل اردویه طرفردن اهدا ایدلدیکنی  
 عرض ایلرز فرمان

دینلی عشرتی رئیس - وروج تضامی - یحسانی عشرتی

رئیس  
 مصطفی

اشرافدن  
 محمد علی



بودجه سی برآی اول اضمار و مستعجلیت قرار به روزنامه مذاکرانه ادخال ایدلندی حالدہ بعض مواد مهمہ نك نقدی دولایستہ بوکونه قدر مذاکرہ سی تأخر ایتشددر . بانقہ ، اورالردہ کی نشکیلاتی بو بودجہ نك نتیجہ قبولنہ تعلق ایتسندن شعبہ و صندوقری دورہ فعالیتہ سوق ایدیلہ مممش و محتاج معاونت اولان اہالی جدآ آچینہ حق بر حالدہ بولنشددر . بناء علیہ مذکور بودجہ نك ایوم مذاکرہ سی تمی ایدرز افندم .

۳۳ - ۱۲ - ۳۸

جانیک	سینوب	مادرین	صاروخان
حمدی	حقی حامی	نجیب	عونی
قسطنونی	کنج	مرعش	سینوب
حسن صبری	حمدی	حسب	عبدالله
کنگری	کنج	ماردین	یوزغاد
یوسف ضیا	علی واصف	مدحت	بحری
موش	درسم	کنگری	قسطنونی
عثمان	مصطفی	سعید	عبدالقادر کالی
ارغنی	بازید	ارزنجان	منتشا
زہت	شوکت	توفیق	احمد
بولی	ارزنجان	بروسہ	چوروم
عبدالله	اوقونہ مدی	نجاتی	اوقونہ مدی
بیغا	قسطنونی	توقاد	بیغا
حمدی	خلوصی	مصطقی	محمد
کوناہیہ	کوناہیہ	اسپارطہ	موش
سینی	بسم آنالای	ابراہیم	احمد حمدی
ایچ ایل	ارضروم	اردہان	باطوم
شوقی	مصطفی طوراق	حلمی	علی رضا
وان	ارضروم	آماسیہ	ارضروم
توفیق	نصرت	علی	اسماعیل

رئیس - افندم ! ممالک مستخلصہ زراعت بانقہ سی بودجہ سنک بوکون مذاکرہ سی تکلیف ایدیلور .  
 علی سروری افندی ( قرہ حصار شرقی ) - افندم !  
 ہر کون بویہ بر طلب قارشوسندہ قالیورز : « فلان  
 مسئلہ نك تقدیماً و ترجیحاً مذاکرہ سی تکلیف ایلرم »

دینلی عشیرتندن بلدہ رئیس بوداج چیل سیدجانلی  
 محمد محمد فاروق عشیری رئیس  
 حاج

دینلی عشیری رئیس اشرافدن اشرافدن  
 رمضان حاجی عثمان عبدالکریم  
 بوداج قرہ سندن محمد

رئیس - - دیوان ریاستجہ تشکر یازیلیر .  
 عالم افندی ( قیصری ) - داخلہ وکیلنہ برسؤال  
 تقریری ویردم . حالا جواب ویرمدی کلسون . جواب  
 ویرسون !

رئیس - لوزان قونفرانسندہ ناملینہ حق کلام  
 صاحبی اولہرق یالکیز عصمت پاشایی طانیڈقلمینہ دائر  
 ایصالہ خرسیتیانلرینک تلغرافی وار .  
 نبیل افندی ( قرہ حصار صاحب ) - ایکی دانہ  
 مرخصمن ، بردہ باش مرخصمن واردر .

آنقرہ دہ بویوک ملت مجلسی ریاست جلیلہ سنہ  
 بز ترکیا خرسیتیانلری عصر لردنبری تورکیانک جناح  
 رافت وصیانتندہ مسعودانہ یاشایورز . لوزان قونفرانسندہ  
 برطاقم اجنبیلر طرفندن تورکیادہ کی اقلیتلرک حقوقی  
 نایبہ ادارہ کلام ایدلیکنی خبر آلق . اوہیندہ نامزہ  
 حق کلام صاحبی اولہرق یالکیز عصمت پاشایی طانیڈورز .  
 بوندن غیر یزم حسہ امزہ سرد ایدیلہ جک مدعیاتی  
 کازلمیکن عدایدرز .  
 ایصالہ حوالیسندہ خرسیتیانلر نامنہ  
 قسطی

صالح افندی ( ارضروم ) - ہیئت مرخصہ مزہ  
 تبلیغ ایدلنسی تکلیف ایدیورم .  
 رئیس - خارجیہ وکالنتہ تودیع ایدیورز .  
 افندم ! زراعت بانقہ لری بودجہ سنک تسریع  
 مذاکرہ سی حقندہ صاروخان مبعوثی عونی بکلہ و فقاسنک  
 تقریری وار . اوقونہ حق :  
 ریاست جلیلہ  
 زراعت بانقہ سنک استخلاص اولونان محللرہ صائد



فقط بوندن اول مجلس هالينك قراريله تقديماً وترجيحاً  
 مذا كره سي تقرر ايتمش متعدد مسائل واردر. بويله هر كون  
 بچن قراره سي نقض ايدرسه ك هيج بر ايش كورمك  
 امكانى يوقدر. بويله تكليفلر قبول اولنه بيلير. شوقدره  
 بوندن اول تقديماً وترجيحاً قبول اولان موادك مذا كره.  
 سندن سوكره اولق اوزره قيدي قونولسون.  
 رفيق شوكت بك ( صاروخان ) — ذاتاً تقرر  
 ايتمشدر. تقرر ايدن شكل دائره سنده معامله ياپيكنز.  
 رئيس — بوكون اقتصاد وكيلىك ايضاحات ويرمسي  
 قبول ايدلمشدر.

على سرورى افندى (قره حصار شرقى) — معلوم  
 عاليلىدركه نظامنامه دن هر هانكى بر مسئله نك مستعجلاً  
 مذا كره سي تكليف ايتك آنجق اجتماع آنى ايچون جائز  
 اوله بيلير. نظامنامه ده صرح حدره مقام رياست صلاحيتى  
 استعمال ايتسون.

حسين عوفى بك (ارضروم) — افندم! زراعت  
 باقده سي بودجه سنك تقديماً وترجيحاً مذا كره سي ايچون  
 متعدد قرارلر واردى. بناء عليه او قرارلرى ابطال  
 ايدمك بقرار ايتخا ايدلدى. اكر بويله دورياپور سهق  
 باطلدر. على سرورى افندى كوزل بويور بويورلر. فقط  
 بونلر نومرو صره سييله ياپديقمز زمان ايلك نومرو بوكا  
 اصابت ايدمك جكدر، ظن ايديبورم.

طونه لى حلمى بك (بولى) — رئيس بك! برهفته  
 اول زونغولداق كورلر رسومك الغاسنه دائر بر تقريرم  
 واردى. حالا مذا كره ايدلدى. (كورولتيلر)

رئيس — افندم! مسئله غايت واضحدر. بوكون  
 ايچون مذا كره سي تقرر ايتمش مسائل واردر. بونك ده  
 بوكون مذا كره سنك رايه وضع اولمسي تكليف اولنيور.  
 حالبوكه روزنامه ده اقتصاد وكيلىك ايضاحاتى واردر،  
 سوكره خيسانت وطنيه مجرميندن بر قسمك عفو  
 حقه ده كى مضبوطلر ك بوكون ايچون او قونمسي عصبه تله  
 قبول ايدلدى. نواحى قانونى ده بوكون ايچوندر.  
 بناء عليه ...

نيلى افندى (قره حصار صاحب) — زراعت باقده سي

بودجه سي ده اولدر.

رئيس — افندم! زراعت باقده سي بودجه سنك  
 مذا كره سي اولجه قراره اقرارن ايتمش ايسه مسئله  
 يوقدر.

نيلى افندى (قره حصار صاحب) — هپسندن اول  
 هيئت عموميه نك قرارينه اقرارن ايتمشدر. ايلك دفعه  
 بومذا كره ايديله جكدر. چونكه بوم مسئله مهمدر. اهمال  
 ايديله من زيرا استخلاص اولنان يرلرده بوباقه شعبه لرى  
 آچيلمامشدر. معاملات تروكدر. اك اول بونك  
 مذا كره سي لازمدر.

رئيس — افندم! اولجه قرار وار ايسه مسئله  
 يوقدر. ( وار سسلرى ) شوخالده رايه وضع ايتمك لزوم  
 يوقدر. افندم! بوكون مذا كره سي تقرر ايدن خيانت  
 وطنيه مجرميندن بر قسمك عفرينه دائر بر قانون واردر.  
 شمدي زراعت باقده سي بودجه سنك مذا كره سي قبول  
 ايدنلر لطفاً ل قالد پرسون!

افندم! تقديماً مذا كره سي قبول ايديلن مسائلك  
 مذا كره سندن صر كره زراعت باقده سي بودجه سنك  
 مذا كره سي قبول ايدلدى.

جزا قانونك ۲۰۳ نجي ماده سنه مذيل موادقاونيه نك  
 بوكونكى اجتماعده تقديماً مذا كره سنه دائر عبدالقادر كالى  
 بلكه رفقاسنك تقريرى وار. او قوته حق:

رياست جليله يه

جزا قانونك ۲۰۳ نجي ماده سنه ذيل ايديله جك مواد  
 قاونيه حقه ده كى تكليفك ۳۳۸ سنه سي كانون اولنك  
 يكرمى بشنچى بازار ايرتسى كونكى روزنامه ده هر مسئله يه  
 تقديماً مذا كره ايدلمسي تكليف ايدرم.

۲۳ كانون اول ۳۳۸

قسطنطين معوفى

عبدالقادر كالى

اشبو تكليفه اشتراك ايلر وبازار ايرتسى كونى  
 مذا كره سي تكليف ايلرز. ۲۳ كانون اول ۳۳۸

ارضروم

جانيك

كنفرى

محمد صالح

نافذ

يوسف ضيا



یوزغاد	یوزغاد	ایچ ایل	طر بزون	بیغا	سعد	موش
رضا	فیاض عالی	محمد سامی	نجی زاده حمدی	محمد	نجم الدین	احمد حمدی
یوزغاد	قسطمونی	آماسیه	ال عزیز	توقاد	اورنه	آردهان
بحری	صبری	رضا	فیضی	وصفی	فائق	حلمی
طر بزون	سینوب	آیدین				ارغنی
علی شکری	حقی حامی	تحسین				محمد
اسپارطه	کنتری	قره حصار صاحب				
طاهر	بهجت	عمر لطفی				
سعد	موش	جانیک				
حاجی نوری	عبدالغنی	حمدی				
ارغنی	جانیک	ارزنجان				
محمد	شکری	م. حسین				
ارطغرل	عذاب	آطنه				
خلیل	راغب	محمد حمدی				
	ارغنی	مرعش				
	امین	رشدی				
قیصری	آنطالیه	سعد	ملاطیه			
طالم	علی وفا	صالح	لطفی			
ارضروم	سیوه رک	ملاطیه	دکزلی			
محمد نصرت	ضیاء الدین	صدقی	مظالم بابا			
چوروم	جاییک	بتلین	اسپارطه			
عبدالرحمن طورسون امین	سعدالله	محمد نادر				
اورفه	بولی	سعد	ال عزیز			
پوزان	عبدالله	خلیل خلقی	ناجی			
بایزید	آماسیه	ازمیر	قسطمونی			
محمد	علی	انور	خلوصی			
اولئی	قره حصار صاحب	درسم	ارغنی			
یاسین	مصطفی	مصطفی	زهرت			
قره حصار شرقی	قره حصار شرقی		بایزید			
مصطفی	وصفی	شوکت				
سیواس	مرعش	موش	کوتاهیه			
تقی	محمد حسیب	عمار قدری	سینی			
وان	ایچ ایل	بتلین	کوتاهیه			
توفیق	شوقی	رسول	بسم آتالای			

علی سروری افندی (قره حصار شرقی) — اقدام  
 عبدالقادر کالی بك آرقداشمزك بوتكلیقرینك چوق مهم  
 اولدیغی بر چوق آرقداشلر سویلدیلر ، حقیقه یاپدقلمی  
 تکلیف شایان مذا کره و شایان قبولدر . بوکا شبهه یوقدر .  
 آنجق کالی بك آرقداشمز نظامنامه نك کندیلر بنه بخش  
 ایتدیگی صلاحیتیه استناداً عدلیه انجمنندن وقتنده چیقیمیان  
 بو تکلیفک دوغریدن دوغری یه هیئت عمومی یه ده  
 مذا کره سنی طلب ایتیش ، هیئت جلیله کزده قبول  
 یو یورمشدر .

صالح افندی (ارضروم) — اوده حقیدر .  
 علی سروری افندی (دوامله) — اوت حقیدر .  
 فقط ظن ایدیورم که کندیلری ده تسلیم یو یورلر و اعتراض  
 ایتیلر . تکلیف چوق مهم اولمقله برابر بوکا دوغریدن  
 دوغری یه هیئت عمومی نك وضع بد ایتیشی ، هر حالده  
 موافق اولسه کر کدر . شو حالده اعظمی برهفته طرفنده  
 هیئت جلیله کزه اعاده و تقدیم اولنق اوزره مستعجلاً  
 برای مذا کره عدلیه انجمننه تودیغ یو یورلسنی بنده کز  
 تکلیف ایدیورم .

بك افندیلر ! بو ، اوافق بر مسئله دکدر و کالی  
 بك آرقداشمزده آرزو ایدرلر که اوچ بش کون دها  
 قالسون . ذاتاً بو قدر مدت قالمش . او وقت سالم و کوزل  
 بر صورتده بو قانون چیقسون . چونکه اوافق بر قانون  
 دکدر ، موقت بر قانون دکدر . کندیلرندن رجاییدیورم .  
 بر هفته مدنله عدلیه انجمننه کیتسون ، کندیلری ده حاضر  
 بولسونلر . عدلیه انجمنی بونی انتاج ایتسون .

عبدالقادر کالی بك (قسطمونی) — آرقداشلر ، علی  
 سروری افندی تکلیف لیه دیورلر که ایکی سنه دن ده افضله  
 بر زماندنبری بوتکلیفی تدقیق ایتدک . حق نفسی تصدیق



آلتمه یا پیور دیکز. ۷-۸ کون دها بو تضیقه تحمل ایدیگز. اقدیلر! قانونم مملکتده عدالتله علاقه دار بر اصول تأمیننه دوعری آتیله جق مهم بر آدم اوله جقدر. بونی تأمین ایتدیگجه، عدالتک ملت ایچون اساسلی بر شی اولدیغنی تأمین ایتدیگجه نه زراعت باقیه سندن، نه باشقه برشیدن، نه ده مهم و بویوک ایشلردن هیچ بر موفقیت بر نتیجه الده ایدمه یز. (دوعری صدالری) بناء علیه هرشیدن اول ادعا ایتدیگمز خصوصاً تک تأییدینی قانون جزایه علاوه ایدلدیگی تقدیرده تأمین ایده تک اولان ۷ ماده تک ذیلک مطلقاً قبولی لازمدر. بونی عدلیه انجمنه بز ایگی سنه اول ووردک، عدلیه انجمنی لزومی قدر اهمیتله تالی ایتهدی. آتی آئی اول یورایه کلدیم که اقدیلر اسزک ووکیلز یگز تک حقیله علاقه دار اولدیغنی بر قانون تکلیف ایدیورم. رجا ایدرم، بر جوق ایشلری بولونمی دو لایسینه بوقانونی عدلیه انجمنندن چیقارمه تک امکانی اولیور. بونی آلك و هیئت عمومی تک و مجلسک مالی یاپک، دیدم. او وقت اولماز، دیدیگمز. عدلیه انجمننک بر جوق ایشلری وارددر. ضرریوق چالیسون دیدیگمز و مساحه ایتدیگمز. فقط اقدیلر! بر آتی آئی دها کچدکن صوکره ینه بورایه کلدیم. مجلس عالی عدلیه انجمنندن چیقیمه جغنی آکلادی وکندیسنه مال ایتدکن صوکره بو جمه ایرتسی دکلیکن جمه ایرتسی روزنامه سنه قونمی قرار لاشدیرلدی. آکلایورم که بو مسئله تک تعلق یوللرینه کیتمننده کی اسبابی! .

ترحق ایسته یوروز، حریت ایسته یوروز، حیات ایسته یوروز. بونی تأمین ایتک لازمدر اقدیلر؛ بونی تأمین ایده جک بر نقطه نظر دن بنم تکلیف ایتدیگمز مواد قانونیه در. بونک هرشیده تقدیرماً مذا کره ایدلسی لازمدر. هیچ بر وقت تأخیر ایتمه تک مجبور ایتدیمسگمز، بر نایه بیله انجمنه کیتمنسته راضی دکلم. مسئولیت تاریخیه یی قبول ایتورم.

ضیا بک (سیواس) - مسئولیت تاریخیه علی سروری اقدینکدر .  
 علی سروری اقدی (قره حصار شرقی) - اقدیم!  
 هیئت جلیله یه شوراسنی عرض ایدرم که: یدی ماده دن

عبارت اولان بو تکلیفک بهر ماده سنک مذا کره سنده بر جوق تعدیل تکلیفلی ویریلرک - هر وقت اولدیغنی کی - ینه تصذیف ایچون عدلیه انجمنه کیده جکدر . بناء علیه بر هفتله ق مسئله دن . بر هفتله طرفنده انجمن بونی انتاج ایده جکدر .

عبدالقادر کالی بک (قسطنونی) - مذا کره سی باشلانسونده اوندن صوکره ایجاب ایدرسه کیتسون؛ حریت شخصییه بوقسه او باشقه . . .

رئیس - اقدیم! دیکر بر تقریر دها وارددر . بولایحه قانونیه تک مستعجلاً مذا کره سنک تعیین اسامی ایله رایه وضعی تکلیف ایدیور (کورولتیلر)

نبیل اقدی (قره حصار صاحب) - زراعت باقیه سی قانونسندن اولمی، صوکره می؟ ریاست جلیله یه

قانون جزانک ایگی بوز او چنجی ماده سنه تبدیلی حقنده قسطنونی مبعوثی عبدالقادر کالی بک طرفندن ایگی سنه اول تکلیف ایدیلن مواد قانونیه تک بو کون مذا کره سنک تعیین اسامی ایله رایه وضعی تکلیف ایلرز .

کانون اول ۳۳۸

موش	باطوم	قارص	ارضروم
رضا	علی رضا	علی رضا	محمد صالح
ماردین	وان	درسم	یوزغاد
مدحت	توفیق	عبدالحق ق توفیق	رضا
ارزنجان	اسپارطه	بیغا	
توفیق	محمدنادر	حمدی	
اولتی	دکزلی	باطوم	سعدرد
یاسین	حسن	احمد نورالدین	نجم الدین
	قوجه ایلی	کنغری	
	خلیل ابراهیم	یوسف ضیا	

لطیف بک (ملاطیه) - رایه قویمغه محل یوق . . .  
 رئیس - اقدیم! اون بش امضالی بر تقریر ویریلدیور. فقط آرقداشلر منک تقریری در ایدله مش، قبول ایدلش و روزنامه یه آلمش و جمه ایرتسی کونی مذا کره سی تقریر ایتش .



خصوصاً بدر . اولی کون خاطر لایبورم که عبدالقادر کالی بک تکلیفک مستعجلیتله مذاکره سی تکلیف ایتمدی قبول اولونمادی . یعنی مستعجلیتی قبول اولونمادی . بو کون مقصدی استحصال ایچون تعیین اسامی ایله رایه وضعی تکلیف ایدیورلر . بنده کزده تعیین اسامی حقی حاتم . تکلیف یابان آرقداشلرده حازدر . چوق رجا ایدرم تعیین اسامی ایله کچه ک زمانلری بو مترام قانونلره حصر ابدرسه کدها ای اولور . ثانیاً ایکی کون اول تکلیف رد ایلدکدن سوکره تکرار قرار آلمه قالیشماق ده دوغری اولور .

عبدالقادر کالی بک ( قسطنونی ) — او کون ایچون رد ایلمشدر .

رفیق شوکت بک ( صاروخان ) دوامله — اونک ایچون بنده کزده حسین عونى بک تکلیفی قبول ایدرم تاریخ صره سیله . . بو کون تقرر ایتمی ، موجود ایش چقدقن سوکره دیگر ایشی چیقارمق لازم کلیر .

عبدالقادر کالی بک ( قسطنونی ) — رفیق شوکت بک افندی تکلیف لری قبول ایتمک لازم کلسه بن کندیلدی کبی دوشونمک موقعنه چیقه چیغ و یا خود دوشونمک . بن دیورم که بوتون قانونلرک فوقنده حاتم رجحان اولان بوقانوندر . متایاً اصرار ایدیورم رفیق شوکت بک دیورلر که ملته منافع عمومیه سی اولان قانونلر ده وار . کندیس ایله آره مزده اولان شو اختلافی حل ایده ک هیئت عمومیه در . کندیس ایله کوریور ، بنده کزده بویله کوریورم .

صالح افندی ( ارضروم ) — مناقشه لزوم قلمادی ، دردنجی اولمق اوزره بنده کز قبول ایدیورم . رئیس — افدم ! محتاج مذاکره برشی کورمیورم . مسئله غایت بسیطدر .

راغب بک ( کوتاهیه ) — افدم ! یا ککش یولدن کوریور . هر کون ساعتلرجه مذاکره آچیلور . شمدی بنده کز برشی تکلیف ایده کیم . چوق طانی برشیدر . لطفاً دیگه بکز ، روزنامه بی تدقیق ایچون مذاکره آچلم .

حسین عونى بک ( ارضروم ) — بر نومروده جمعه ایرتسی مذاکره سی تقرر ایتمش و بوکا تقدیم ایدیله ک هیج برشی اولمادیغی تقدیرده رجا ایدرم بوندن بر هفتیه اولی قرارى ایکی دفعه نقض ایتمک بیلیم که نه درجه یه قدر دوغریدر . روزنامه ایچون هیئت جلیله صیره تدبیر ایتمی و بونی منع ایتمی . رجا ایدرم ده نیکی قرارى بو کون نقض ایتمک مجلسک شعاری ایله متناسب دکل ، جمعه ایرتسی روزنامه بنده در . بوندن اول بر مسئله یوقسه بونی مذاکره ایدرز .

عبدالقادر کالی بک ( قسطنونی ) — اسکی روز . نامه در .

رئیس — مجلس عالی نیک اولی کونکی قرارله اقتصاد و کینک بو کون ایضاحات ویره سی ، سوکره خیانت وطنیه بحر ملرتیک بر قسمک عفوینه متعلق مضبوطلرک مذاکره سی بو کون تقرر ایتمش ، شمدی ده زراعت باقمه سی بودجه سنک ، تقدیماً مذاکره سنه عائد تقرر لر وار . نیل افندی ( قره حصار صاحب ) — تقدیماً مذاکره سی بش دقیقه اول قبول ایتمک .

رئیس — الله موجود قرارلردن سوکره . صالح افندی ( ارضروم ) — بونی ده دردنجی اوله رق قبول ایدیورم . فقط آره به باشقه ایش کیرمه مک شرطیه .

رفیق شوکت بک ( صاروخان ) — مجلس عالی بو روزنامه مسئله سی هر هاکی بر قطعی قرارله حل ایتمه کچه هر کونک متوالی طلبیری آلتنده ظن ایدرم که حسین عونى بک برادر مزک دیدیکی کبی — بر دور دشم ایچروسنه هیج برقرار چیقاریله مز . بنده کز شمدی یه قدر مجلس عالیجه تقدیماً مذاکره سی قرار کیر اولان قاج مسئله اوله یعنی باشکمتا بندن او کوندم ، ایسته سی آلم .

۲ کانون اوله عائد اولمق اوزره سه ویله بیم یکر می بش قانون واردر . بونلرک هر شیده ترجیحاً مذاکره سی قبول ایلمشدر . هر تکلیفه کوز کز دیره ک اولو ساق هیئت عمومیه سی ملتی علاقه دار ایدن ، همی ده لازم المذاکره



بو يوگ ملت مجلسی ریاست جلیله سینه

رفع مشمولیت و عفو ذمت حقیقه و واقع اولان مراجعات و مستدعیات ایله اصول محاسبیه عمومیه قانوننک تأمین اجراسی ایچون یکیدن ویا تعدیلاً تنظیمی مقتضی نظامات و تعلیمات و امثالی خصوصاته هاند قانون مذکورک آلمش ایکنجی و آلمش اوچتجی ماده لر ی حکمنه توفیقاً اعطای رایه صلاحیتدار اوله رق تحت ریاست عاجزیده دیوان محاسبانندن ایکی اعضا ایله محاسبیه مدیرانندن مرکب اولمق اوزره تشکیلی لازمکن انجمن، مشاوره مالیه نیک شمدی به قدر دیوان محاسبات تشکیلاتی اجرا ایلمه مش اولمق اعتباریله عقد اجتماعه قانوناً امکان حاصل اوله مامش و بو صفحه دن امراری ایجاب ایدن امور و معاملات بالضرور ایفا و انتاج ایلمه نه مکده بولمشدر. بناء علیه الیوم تشکیل ایلمه مش اولان دیوان محاسبات اسماً مجلس عالیترینه نیایه ایضای وظیفه ایله مکلف اولمسنه نظر آ دیوان محاسبانندن ایکی اعضا رینه قوانین مالیه و موازنه مالیه انجمنلرندن انتخاب اولنه حق بر اعضانک معروض انجمنله مشاوره مالیه ده بولنسی مقصدی تأمین کافل اوله جقندن انجمن اجتماعاتی عقد ایلمک و معلق قالان مسائل مهمه قانونیه نیک بر آن اولر و قی تأمین اولمق اوزره معروض ایکی اعضانک انتخاب و تعییننه مساعدیه بو یورلمسی رجا اولنور

افندم . ۱۷ کاون اول ۳۳۸ مالیه و کبلی

حسن فهمی

حافظ محمد بک ( طرزون ) — افندم ! بودجه یوقدرکه دیوان محاسبات اولسون . بودجه قانونی اولمیدرکه دیوان محاسبات اونی تدقیق ایسون .

صالح افندی ( ارضروم ) — حسن بک ، دیوان محاسبات ایچون ایکی آرقداش انتخابی تکلیف ایدیور . حالبوکه وقتیه دیوان محاسبات وظیفه سفی ایفا ایچون بروسه مبعونی عثمان نوری بک ، فرید بک ، بنده کزکه اوج آرقداش انتخاب ایلمشدرک . ینه حسن بک افندی کی آرقداشلرمنز دیدیلرکه بو اوج آرقداش دیوان محاسبات وظائفی پایباز و هیئت وکیلده بوبله بر قرار

چونکه روزنامه یی تدقیق ایتمه دن برایش چیقارمانک امکانی یوقدر . فلان ماده برنجیسی اولسون ، ایکنجیسی اولسون ، سکزنجیسی اولسون دینه اولا اون بش کون بوایشله مشغول اوله لم . روزنامه یی تثبیت ایده لم . بونی قطعی برقراره ربط ایتمکدن سوکره ایشمزه دوام ایده لم . یوقسه بویله برایش کوریله مبه جکدر . هر کون بو روزنامه به متعلق اولان بو قرارلرمنز هباء منشورا اولوب کیدیور . تکلیف ایدیورم ، شمدی مذاکره آچلسون . روزنامه ده اوج یوز ، درت یوز ماده وار . بونلرک نومروسی تثبیت ایلسون . بو روزنامه مسئله سی حل ایلمدیکه باشقه بر مسئله به چیلمسون .

رئیس — افندم ! مسئله تنور و توضیح ایتمدی . ذاتاً مسئله شکلاً واضحدر . قبول ایدیان مسائلدن سوکره مذاکره سفی رأی عالیکزه وضع ایده جکم .

عبدالقادر کالی بک ( قسطنونی ) — افندم ! چکن جمعه ایرتسی کونی مذاکره سفی ایچون قرار وار ایدی . مع مافیله دردنجی ماده اولمق اوزره قبول ایدیوروز .

رئیس — بونکلیفک دردنجی ماده اوله رق مذاکره سفی قبول ایدنلر لطفاً اللرنی قالدیرسون . قبول ایلمشدر افندم . معلولین غرانک ترفیهی حقیقه استانبول حکومتجه تقدیم ایدیلمن نظامنامه نیک مدافعه ملیه انجمنجه تدقیق و تثبیتنه دائر هیئت وکیلده دن مورود لایحه قانونیه وار ، مدافعه ملیه و موازنه مالیه انجمنلرینه حواله ایدیوروز . عدلیه انجمنی اعضالغنه بشنجی شعبه دن رفیق شوکت بکک انتخاب ایلدیکنه دائر تذکره واردر ، اوقونه جقدر :

۲۴ - ۱۲ - ۳۳۸

ریاست جلیله یه

انحلال ایدن عدلیه انجمنی اعضالغنه شعبه منزهه صاروخان مبعونی رفیق شوکت بکک انتخاب ایلدیکی معروضدر افندم .

بیغا  
محمد  
بشنجی شعبه رئیسی  
مصطفی

رئیس — انجمن مشاوره مالیه به مجلسدن ایکی اعضا اعضالغنه دائر مالیه وکالی تذکره سفی واردر . اوقونه جقدره



ویرمیش ایدی . سنا علیه نصل که ینه شورای ولت مسائتندمه بویه اشمشکش اچریسنده کدیوروز . دیوان محاسبات ایچونده مجلس عالیدن بر یکی آرقداش ایسته . مکدن ایسه استانبولده بولان دیوان محاسباتدن بش اون آدم کتیرسونلر ، بواشی یاپسونلر .

عثمان بك ( لازستان ) — دیوان محاسبات کی علمه تعلق ایدن شی انتخاب اوله ماز !

صالح اقدی ( ارضروم ) — مالیه وکیلی ده بیلمز ، سنده بیلمز سگ ، بن ده بیلمز .

عثمان بك ( دوامله ) — اکر علمه بر قیمت ویرمه چکیسه — که بونی بن قبول ایتم — یاپه بیلیر فقط علمک هر وقت قیمتی وهر وقت موقعی واردر . بوکا حرمت ایتک وظیفه مزدور .

رئیس — افندم ! دیوان محاسبات هنوز متشکل دکل . تشکیلی هیئت جلیله کنز اولجه ده قبول ایتدی آنک ایچون ایکی آرقداشک مجلس عالیدن انتخابی اولجه قبول ایدلش ایدی . اونک اوزرینه مالیه وکیلی بك اوز واتی ایسته یور .

صالح الدین بك ( مرسین ) — مساعده بویوریلیرمی ؟ دیوان محاسبات واردر . دیوان محاسبات حکومته دکل جلسه اضافه ایش کوریر . بز بونی لغو ایتدک مالیه وکیلی ایسته دیکی آدمی اورادن کتیریر ، ایشنی کوردریر .

مظهر مفید بك ( حکاری ) — افندم ! بو ، دیوان محاسبات ایسته میور . یا ککش مذاکره ایدیوروز . محاسبه عمومیه قانونی موجبنجه بر مجلس مالی واردر . اونی تشکیل ایدیور وایکی اعضاده سز ویرد ایسه کنز ویریکزه دیور .

صالح الدین بك ( مرسین ) — موجود دیوان محاسبات ایله یاپسون !

مظهر مفید بك ( حکاری ) — لغو ایدلشدر افندم .

عصمت بك ( چوروم ) — آرقداشلر خاطر لارسکز که آوانس قانونک بریسنده بر مراقبه مالیه هیئتی قبول ایتدک . بومراقبه مالیه هیئتی ایلك اجتماعی عقد ایتدیکی زمان

اساسلی بر مالی مراقبه نک استانبولده کی تشکیلات ایله دخی یاپیله نیه جغفی ویاپیلدیغنی تدقیق ایتمش و اوکا بر قرار ویرمشدر . منتظم بر مراقبه مالیه یایمق ایچون بوکون موجود اولان تشکیلات ایله یایلمسی غیر قابل اولدیغنی اوج کون اوزون اوزادی به یایدینی بر مذاکره ایله آکلامش و بونی بر مضبطه ایله هیئت علیه کنزه عرض ایتمشدر ، دیوان محاسبات مسئله سی ، افندیلر ، اوله انتخابلرله ، اویج ایش کشی دیوان محاسباته اعضا کتیره کله یاپیلیر ایش دکلدیر . بو ، اختصاص مسئله سدر . سنا علیه بوکونکی استانبول دیوان محاسباتی دخی زم قناعتمه کوره وظیفه سنی تماماً یاپه ماشدر . مکمل بر دیوان محاسباتی مراقبه مالیه بی تماماً یاپیله چک بر هیئت وجوده کتیرمک ایچون مکمل بر تشکیلات ویرلا ییجه یایمق لازم کدیور ، بویه چه علی العیله یاپیلان قرارلرله کچی سنه قبول ایتدیکمز . مراقبه مالیه هیئتک یاپه مدینی رشیتی نکر ا یایمق ، ظن ایدیورم دوغبری دکلدیر .

رئیس — افندم ! بویکی بر تکلیف دکلدیر . دیوان محاسبات موجود اولدیغنی ایچون بو مراقبه هیئتی قبول ایدلش و مجلس عالی ده انتخاب ایتشدی . اونراستیفای ایتدیله . فقط مالیه وکیلی بوکره بویه بر تکلیفده بولنیور .

مأذونیت حقمده دیوان قرارلری واردر . او قونو حق : ( قیججه سی نه ادلی سسلری ) بونک تیججه سی ، دیوان محاسباتک تشکیلی و مجلس نامه ایقای وظیفه ایتدی تکلیف ایدیور . بو خصوصده رأی مجلس عالی کز کدر . رفیق شوکت بك ( ماروخان ) — رئیس بك ! مالیه وکیلی بك ایضاحات ویرسین . آکلایلم . ( خسته سسلری )

علی سروری اقدی ( قره حصار شرقی ) — مالیه وکیلک بولنماسنه نظر آ بو مسئله بی انتاج ایتک موافق دکلدیر .

رئیس ذاتاً انتاج ایدلش دکلدیر . مالیه وکیلک بولدیغنی زمانه تعلق ایدیوروز .



هیئت عمومی ۵-۱۲-۳۳۸

آئیده اسماعلی محرز ذک حدالزنده کوستریلین  
مدتله مآذون عد ایدیلرلی دیوان ریاستک ۲۴ کانون  
اول ۳۳۸ تاریخلی قرقل اوچنجی اجتماعنده تنسیب ایدلمش  
اولقله هیئت عمومی نك نظر تصویبده عرض اولو نور اقدم  
بویوک ملت مجلسی رئیس نایسی

علی فؤاد

رئیس - عمر لطفی بك (قره حصار صاحب) ك ایکی  
آی مآذونیتتی قبول ایدنلر لطفاً اللربنی قالدیرسون! قبول  
ایدلمشدر .

مصطفی طوراق بك (ارضروم) ك بر بیجی آی  
طیب راپورینه مستعداً مآذونیتتی قبول ایدنلر لطفاً  
قالدیرسون! قبول ایدلمشدر .

سری بك (ازمیت) ك اون بر کون مآذونیتتی  
قبول ایدنلر لطفاً اللربنی قالدیرسون! قبول ایدلمشدر .

خلیل ابراهیم بك (اسکیشهر) ك ۱۵ کون مآذونیتتی  
قبول ایدنلر لطفاً اللربنی قالدیرسون! قبول ایدلمشدر .

علی رضا (باطوم) ك ایکی آی مآذونیتتی قبول  
ایدنلر لطفاً اللربنی قالدیرسون! قبول ایدلمشدر .

افندم! مأمورین محاکمات هیئتی ایله انجمنی  
ایچن بر انتخاب یاپیلشمسدی . نتیجه ده اکثریت حاصل  
اوله مامشدی . بناء علیه ، انتخابک تکرارینه مجبوروز .

طوراق بك (ارضروم) -- رئیس بك بنده كرك  
اوگون بر تکلیفم واردی . مجلسده اکثریت بولم مدیفندن  
رایه قوناما شدر .

رئیس - قانون مخصوص موجبنجه رأی اضافی  
حاصل اولمجه قدر انتخاب ضروریدر . بونك انچون رأی  
اشاری ایله اوله ماز .

طوراق بك (ارضروم) - رئیس بك! رأی  
اضافی تکلیف ایتشم .

رئیس - بش دقیقه تنفس ایتک اوزره جلسه نی  
تعطیل ایدیوروم .

ختم جلسه  
دقیقه ساعت  
۲ ۱۰

ایکنجی جلسه

برأ مذاکرات  
دقیقه ساعت  
۲ ۲۰

[رئیس - ایکنجی رئیس وکیلی موسی کاظم افندی حضرتی  
کاتبیلر: سلیمان سری بك (بوزغاد) ، ابراهیم بك (ماردین)]



رئیس - اقدم! جلسه نی کشاد ایدیوروم . افندم!  
مالیه وکیلنک حضورینه تعلق ایدن تذکره واردی .  
عثمان بك (لازستان) - رئیس بك! مساعده

ایدرسه کز برشی عرض ایده جکم . اونذکره تأخیر  
ایدلمشدر . اگر اونك اوزرینه مذاکره آچیلیرسه اوزون  
سوره جکدر . لطفاً مالیه وکیلی بك ده موافقت بویوریرلرسه  
چهارشنبه روزنامه سنه آلم .

مالیه وکیلی حسن فهمی بك - عثمان بك افندی  
برکره مساعده ایدیگمز ، دیکله یکنز ، تلاش بویورمایکنز .  
ته سویلیه جکمی سلیم یورسگنز . مالیه وکیلی بو خصوصده  
سوز آلدی ، کرسی نه کله ی .

عثمان بك (لازستان) - فقط هر حالده مجلسک  
انتظام مذاکره سی نامه مجلس اعضالرینک سوز سویله مک  
حتی واردر .

مالیه وکیلی حسن فهمی بك - افندم! اوقونان  
تذکره بری قوانین مالیه ، بری ده موازنه مالیه انجمنندن  
ایکی اعضانک کوندرلسی حقتنده در . معلوم عالیگنر اصول  
محاسبه عمومیه قارنی موجبنجه ، مالیه وکالتنده بر انجمن

مشاوره مالیه موجوددر . بوانجمن ، محاسبه عمومیه مدیری ،  
واردات مدیری ، تهریات مدیری ، دیوان محاسبانن کان  
اعضا ایله مالیه وکیلنک ریاستنده تشکل ایدر .

آید برویا اون بش کونده بردفعه طویلانیز . یینه اصول  
محاسبه عمومیه قانونی موجبنجه ، ذات و زمان حساباته تاند  
رفع مآذونیت کی قرارلری اتخاذ ایتک بوانجمن مشاوره نك  
قراری ایله اولور . دیوان محاسبات ، مجلس عالیگنر نامه  
ایفای وظیفه ایدر . اصلاً وظیفه مجلس عالیگنر کدر .  
دیوان محاسبات تشکیل ایتدیکنه نظراً تشکیلی مجلس



### دردنچی جلسه

مذاکرات

دقیقه ساعت

٤٥

[رئیس — ایکچی رئیس و کلی موسی کاظم افندی حاضر تلی]

کاتب : سلیمان سری بک ( یورغاد )

رئیس — انقدم ! جلسه علنیدر . وقتمز کچکمشدرد .  
چهارشنبه کونی ساعت بر بچقده اجتماع ایتمک اوزره  
جلسه بی تعطیل ایدیوروم .

ختم مذاکرات

دقیقه ساعت

٤٨ ٤

### اجتماع آنی روزنامه سی

١ — ضبط سابقه خبرنامه سی

٢ — اوراق وارده :

— ٣٣٨ سنه سی صحیفه بودجه سی ١٨٨ نجی فصلنک برنجی  
ماده سنده کی سر طیب عنواننک تصحیحی لزومه دائر صحیفه و معاونت  
اجتماعیه وکالتی تذکره سی

— کوتاهیہ مبعوثی جیل بک ایتم نظامنامه سنه مذیل  
تکلیف قانونیسی

— حاکم منفردلرک بالذات کشفه کیتلمری بوزندن متحصل  
عاذیر حقتنده تدقیقات لازمه اجزا ایدلسنه دائر کوتاهیہ مبعوثی  
جیل بک تقریری

— پالو قضاسی مرکزینک دیکر موافقی بر محله نقلی حقتنده  
ارغنی مبعوثی محمود بک داخلیه وکالتندن معنی تقریری

— پتروغراد جمعیت اسلامیه سنک مقرراتی حقتنده خارجیه  
وکالتی تذکره سی

— حاکمیت ملیه تظاہراته دائر کوردوس قائم مقاملیه  
رفقاسنک تذکره سی

— انجمن انتخابانه دائر تذکره

— قارص مبعوثی علی رضا بک مجلس اداوه انتخاباته  
دائر تکلیف قانونیسی

— خیانت وطنیه ایله محکوم قاضی اوغلی خلیل بن محمد  
حقتنده عدلیه وکالتندن مورد اوراق حکمیه

انجمنلردن مورد مضیطله :

— صاروخان مبعوثی رفیق شوکت بک شورای دولت  
مأمورین محاکمته متعلق وظائفک صورت ایفاسی حقتنده کی ٤

توز ٣٣٧ تاریخی قانون ایله ذیلنک لغوینه دائر تکلیف  
قانونسنک شایان مذاکره اولدینی حقتنده لایحه انجمنی مضیطله سی

عالیکزحه نسیب بویورولدینی زمانه قدر بوندکره بی  
موازنه مالیه ، قوانین مالیه انجمنلرینه تودیع بویور بر سکیز  
بر آرقداش انتخاب ایدرلر . بر انجمن تشکل ایدر . اوج  
سنه دئیری ذات وزمان حسابلرینه عاقد محاسب مسئوللری  
علاقه دار ایدن بر طاقم مقررات واردرکه بونلر معلقده در .

خزینهنک منفعتی بونلر حقتنده بر آن اول مثبت ویا منفی  
قرار انتخابنی آمردر . عرض ایندیکم کبی قانون تنظیم  
ایدیله ک مسئله دکلدز . موجود قانون موجبجه دیوان  
محاسبانندن ایستنه ک ایکی اعضا به مقابل مجلس عالیکیزک  
ایکی انجمنی بر اعضا کوندرسون دیمکدن عبارتدر .

( موافق سسلری ) بو تاخر ایندیکی تقدیرده بر چوق  
معاملات تاخر ایده جکدر . بر قسم أمورلر جواز  
استخدام قراریری آله به جقلردر . بر قسم أمورلرده خز  
ینه ک مطلوبی معلقده قالیور . قانونک تعیین ایندیکی  
قرارلری انتخاب ایده بیلمک ایچون بونک تشکیلی بر آن اول

لازمدر . تذکره نک انجمنه حواله سی تکلیف ایدیوروم . ایکی  
انجمنه حواله بویورک . بر آرقداش کوندرسونلر .

رئیس — تذکره نک موازنه مالیه ، قوانین مالیه  
انجمنلرینه حواله سی قبول ایدنلر لارینی قالدیرسون !  
حواله ایدلشدرد .

اجرا وکیللری رئیس و خارجیه وکالتی وکلی رؤف  
بک ( سیواس ) — بر مسئله بی مجلس عالی به خفیا عرض  
ایتمک ایدیوروم .

رئیس — خارجیه وکالتی وکلی رؤف بک افندی  
مجلس عالیکیزه بعض مسائل عرض ایتمک اوزره جلسه  
خفیه طلب ایدیورلر . ( موافق سسلری )

ختم جلسه

دقیقه ساعت

٢٥ ٢



— مرعش اعدادی معامله کردن شهید خیرالله افسندی  
 طائله سنه خدمات وطنیه ترتیبیدن معاش تخصیصی حقنده کی تکلیفک  
 شایان مذاکره اولدیفنه دائر لایحه انجمنی مضطه سی  
 --- طلبه علومک مؤجلت عسکریه و برکوسندن استثناسی  
 حقنده کنج مبعوثی حمدی بکک تکلیفک ردینه دائر مدافعه ملیه  
 انجمنی مضطه سی  
 — دشمنله تشریک مساعی ایدن نکه بانجی ، قزل خنجرچی  
 ضابطان ایله دعوت ملیه به اشتراک ایله مهینلر حقنده کی استانبول  
 مبعوثی علی رضا بکک تکلیف قانونیسنه دائر مدافعه ملیه انجمنی  
 مضطه سی  
 — متارکینی متعاقب خدمت موظفه به نقل ایتدیربلنلرک نقل  
 معامله لریک کآن لم یکن عدی حقنده کی استانبول مبعوثی علی رضا  
 بکک تکلیف قانونیسنک تعدیلاً قبول ایدلدیکنه و مواد سائره به  
 تقدیماً و مستعجلاً مذاکره سی لزومنه دائر مدافعه ملیه انجمنی  
 مضطه سی  
 — شرعیه وکالتی بودجه سنده مناقله اجراسنه دائر لایحه

قانونیه بک تعدیلاً قبول ایدلدیکنه دائر موازنه ملیه انجمنی مضطه سی  
 — شهید چرخینی یوزباشی خلیل افندی طائله سنه خدمات  
 وطنیه ترتیبیدن معاش تخصیصی حقنده کی لایحه بکک بوباده موضح  
 معلومات اعطا ایدلک اوزره اجرا وکیللری هیئتنه تودیبی لزومنه  
 دائر موازنه ملیه انجمنی مضطه سی  
 — خارجییه وکالتی بودجه سنه یوزبیک لیرا علاوه سی حقنده کی  
 لایحه قانونیه دائر موازنه ملیه انجمنی مضطه سی  
 انتخابات  
 — مأمورین محاکمات تدقیق هیئتی وانجمنی انتخاباتی  
 مذاکره ایدیلجک مواد :  
 — واردات قانونی  
 — اقتصاد وکیلنک ایضاحاتی  
 — عدلیه انجمننک تفسیر مضطه سی  
 — مالک مستخاصه زراعت بانکلری بودجه سی  
 — جزا قانونک ٢٠٣ نجی ماده سنک تعدیله دائر تکلیف  
 قانونی